

КНИГАГУДЫШТО ВАШЛИЙМАШ

Книгагудышто поэт дене вашлиймаш ушеш волгыдо шарнымашым кода. Тыгай амал дене поэзийым йӱратыше да аклыше-влак Морко рӱдӱ книгагудын ӱстел йырже чумыргенит.

Вашлиймаш тӱналгыште марий серызе, сылны-мутчо, журналист Татьяна Пчёлкина «Турня ешым ужатем» почеламутшым видео гоч устан, келге шижмаш дене йонгалтарен.

Морко рӱдӱ книгагудо системын вуйлатышыже Маргарита Семенова, верысе серызе Наталия Никифорова эртыше юбилейже дене шокшын саламлен да шуко у онай почеламутым, умбакыжат кугу творческий сенымашыш шуаш тыланен.

Наталия Никифорова «Торасе шӱдырем» книгаже гыч «Шӱлык шыже» да эше икмыняр у почеламутшо дене палдарен. Самырык автор Инна Алексеева шке почеламут корнылажым сылнын лудын. Книгагудын чолга лудшыжо Галина Кузьминан почеламутым шергылтарымыжат чоным куандарен.

Кок командылан шелалтын, «Кӱ писырак?», «Поэзий тӱняште», «Гермин-влак», «Калыкмутым пале» конкурслаште шке усталыкыштым, чулымлыкыштым тергеныт. А «Шыжын поянлыкше» композиций почеш у почеламутым шочыктеныт.

Вашлиймашке видеосвязь дене самырык мурызо, сылнымутчо Алена Яковлева ушнен. Погынышо-влакым тыгай кӱлешан вашлиймаш дене саламлен да шыже нерген почеламут корнылажым лудын.

Мероприятийын участникше-влак толшо уна-вла-



клан шуко йодышым пузныт: кушто, кунам да кузе почеламут шочеш, кӱм йӱратыме поэтлан шотлат.

Тыгай мастер ен-влак дене ме кугешнена, умбакыжат пентгыде кылым кучаш тӱналына. Марий сыл-

нымут тек эре виянеш, почеламутым возышо-влак эшеат шукурак лийышт.

Людмила АЛЕКСАНДРОВА,
Морко рӱдӱ книгагудын библиографше